

Ժողովուրդ

63
(2913)

14 մայիսի երեքշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՄԱՆԻԱՏԻ ԸԵՏ ԱՆՆԱՄԱՏԵՂԵԼԻ ԳՈՐԾՈՒՆԵՈՒԹՅԱՄԲ Է ԶԲԱՂՎՈՒՄ



Աժ ներկայիս պատգամավորների որոշ մասը, մինչ մանդատ ստանալը, զբաղվում էր գործարարությամբ, մանդատից հետո, օրենքի պահանջի համաձայն՝ թիզնես կամ գործարար գործունեությունը հավատարմագրում այլ անձի եւ զբաղեցնում անձեռնմխելի պաշտոնը: Սա օրենք է բոլորի համար. սակայն օրենքը «օրենք չէ», եթե այն բացառություններ չունի ԶԳ-ական պատգամավորների համար: Խոսենք փաստերով:

Այսպիսով՝ 33 օրենքի համաձայն՝ Ազգային ժողովի պատգամավորի գործունեության երաշխիքների մասին օրենքը սահմանում է՝ պատգամավորական մանդատը ստանալուց հետո՝ մեկ ամսվա ընթացքում, պատգամավորը պարտավոր է՝


- 1) դուրս գալ անհատ ձեռնարկատիրոջ պետական հաշվառումից,
- 2) ազատվել առեւտրային կազմակերպություններում զբաղեցրած պաշտոնից,
- 3) դուրս գալ առեւտրային կազմակերպություններից կամ դրանց կանոնադրական կապիտալում իր բաժնեմասն ամբողջությամբ հանձնել հավատարմագրային կառավարման,
- 4) հրաժարվել առեւտրային կազմակերպությունում ուրիշի գույքի հավատարմագրային կառավարումից,
- 5) ազատվել պետական կամ տեղական ինքնակառավարման մարմիններում զբաղեցրած պաշտոններից, բացառությամբ՝ սույն հոդվածի 5-րդ մասում նշված պաշտոնների,
- 6) ազատվել վճարովի հիմունքներով աշխատանքից, բացառությամբ՝ գիտական, կրթական կամ ստեղծագործական աշխատանքի:

Օրինակ՝ «Քաղաքացիական պայմանագիր» խմբակցության պատգամավոր Թագուհի Ղազարյանը, պատգամավորական մանդատին զուգահեռ, զբաղվում է Լաեա Նյուֆերի թվայնացմամբ, խմբագրմամբ. հենց այս աշխատանքի համար էլ պատգամավորը 2023 թվականին «Գրանիշ» գրական ակումբի կողմից պարգևատրվել է այդ տարվա ընթացքում արխիվային նյութերի թվայնացման, խմբագրման ու նորովի մեկնաբանման համար:


Այս ամենը գուցե նորմալ դիտվեր այն դեպքում, երբ այս աշխատանքը համարվեր ստեղծագործական աշխատանք, սակայն փաստաթուղթը, որը ներկայացված է, ամենեւին ստեղծագործական տարրեր չի պարունակում: Ավելին՝ կազմակերպությունը, այս դեպքում՝ գրական ակումբը, որտեղ գործունեություն է ծավալում Ղազարյանը, որը գործում է 33 ԿԳՄՍ աջակցությամբ, անհամատեղելի պաշտոն է համարվում պատգամավորական մանդատ ունեցող անձի համար:

Ըստ մեր տեղեկությունների՝ Թագուհի Ղազարյանը, Բուն TV-ում հաղորդում վարելու համար, Լախորդ տարի դիմել է Կոռուպցիայի կանխարգելման հանձնաժողով թույլտվություն ստանալու համար, հավաստիացրել է, որ այն պարբերական բնույթ չի կրելու: Հանձնաժողովը թույլատրել է, քանի որ այն դիտարկվել է որպես ստեղծագործական աշխատանք, սակայն այս դեպքում Կոռուպցիայի կանխարգելման հանձնաժողովը այն է փակում եւ ոչ մի արձագանք չի տալիս, համեմայնդեպ, այդ մասին որեւէ արձանագրում չկա:

Շարունակությունը՝ ArmLur.am կայքում:




Մայիսի 12-ին Հայաստանի գավաթի եզրափակիչ խաղում «Արարատ-Արմենիան» հետխաղյա 11 մետրանոց հարվածաշարով հաղթեց «Ուրարտու» ՖԱ-ին ու իր պատմության մեջ առաջին անգամ նվաճեց Հայաստանի գավաթը: Սա զուտ սպորտային իրադարձություն կլիներ, եթե պարզեատրման ու գավաթի հանձնման արարողությունը չուղեկցվեր սկանդալով: Վազգեն Սարգսյանի անվան հանրապետական մարզադաշտում ներկա երկրպագուների աչքից չի վրիպել փաստը, որ պարզեատրման արարողության ժամանակ «Արարատ-Արմենիայի» ֆուտբոլիստներին մոտեցող 3ՖՖ նախագահ Արմեն Մելիքբեկյանին եւ նրան ուղեկցող Արմեն Նիկողոսյանին, ըստ էության, բոլկոտել է թիմի մարզական շտաբը՝ Վարդան Մինասյանի գլխավորությամբ, ու չի մոտեցել 3ՖՖ նախագահին՝ գավաթը հանձնելու պահին: Այսքանով ամեն բան չի ավարտվել. կատարվածից սաստիկ զայրացած 3ՖՖ ղեկավարությունը, ոչ պաշտոնապես, հայտարարել է, որ այլեւս չի վաճառի 3ՖՖ տեխնիկական կենտրոն ակադեմիայի մի հատվածը «Արարատ-Արմենիային», որի մասին «Հրապարակի» մեր գործընկերների հետ զրույցում խոսել էր թիմի պաշտոնյաներից մեկը՝ ըստ էության հաստատելով, որ բանակցություններն «Արարատ-Արմենիայի» ու 3ՖՖ-ի միջեւ այս ուղղությամբ ընթանում են: Ֆուտբոլային աշխարհի մեր աղբյուրները հայտնում են, որ այս քայլով, «Փյունիկ» ՖԱ-ից հետո «սեւ ցուցակում» կհայտնվի Լաեա «Արարատ-Արմենիան»: Հիշեցնենք, որ «Արարատ-Արմենիան» պատկանում է «Տաշիր Գրուպի» սեփականատեր Սամվել Կարապետյանին, իսկ այդ թիմի գլխավոր մարզիչն է Հայաստանի հավաքականի նախկին գլխավոր մարզիչ Վարդան Մինասյանը, որը 3ՖՖ նախագահի վերջին ընտրություններից առաջ իր դիրքորոշումն էր հայտնել՝ չսատարելով ինչ-ինչ ճանապարհներով 3ՖՖ նախագահ դարձած Արմեն Մելիքբեկյանին: Մենք բազմիցս անդրադարձել ենք 3ՖՖ-ում տիրող ոչ ֆուտբոլային բարքերին, ֆինանսական ոչ թափանցիկ՝ ուստի հարցեր առաջացնող խնդիրներին, տարբեր տարիքային հավաքականների խայտառակ արդյունքներին ու բազմաթիվ նմանատիպ հարցերին:




Շարունակությունը՝ ArmLur.am կայքում:

«Ժողովուրդ» օրաթերթի տեղեկությունների համաձայն՝ Երեւան քաղաքի ընդհանուր իրավասության դատարանի դատավոր Աննա Դանիբեկյանի դեմ հարուցված կարգապահական վարույթը ուղարկվել է 33 Բարձրագույն դատական խորհուրդ: Ինչ է սպասվում Ռոբերտ Քոչարյանի գործը քննող դատավոր Աննա Դանիբեկյանին: «Ժողովուրդ» օրաթերթը գրել էր, որ 33 արդարադատության նախարարը մարտի 1-ից 33 առաջին նախագահ Ռոբերտ Քոչարյանի դեմ հարուցված քրեական գործը քննող, Երեւան քաղաքի ընդհանուր իրավասության դատարանի դատավոր Աննա Դանիբեկյանի նկատմամբ կարգապահական վարույթ է հարուցել, եւ այն այս պահին ուսումնասիրում են: Ավելին՝ ըստ մեզ հասած լուրերի՝ վարույթի հարուցման հիմքը «Մարտի 1-ի» գործն է: «Ժողովուրդ» օրաթերթը դիմել էր 33 արդարադատության նախարարություն, որտեղից հայտնել էին, թե կարգապահական վարույթների մասով տեղեկությունները հրապարակման ենթակա չեն: Մնում է սպասել, թե դատավորների անկախությունը ապահովելուն կոչված ԲԴԽ-ն ի՞նչ վարքագիծ կդրսեւորի. կատարժի՞ դատավորին, թե՛ կներ՞ Քոչարյանի գործով ինչ-ինչ որոշումների համար:



Ս.թ. ապրիլի 1-ի խորհրդակցության ժամանակ Երեւանի քաղաքապետ Տիգրան Ավինյանը հայտարարեց նոր նշանակումների մասին, այդ թվում՝ իր խորհրդական Պետրոս Պետոյանի: «Ժողովուրդ» օրաթերթը, ուսումնասիրելով Պետոյանի պաշտոնական կենսագրությունը, պարզեց, որ պաշտոնյան իր նշանակման իրական օրվա մասին կենսագրական տվյալներում գրել է մարտի 19: Անհամապատասխանության նման մեծ՝ 14-օրյա ինտերվալը չէր կարող վրիպման արդյունք լինել: Սա նշանակում է, որ քաղաքապետարանում ակնհայտորեն չեն տիրապետում իրավիճակին եւ պաշտոնական նշանակումների ժամանակագրությանը: Հ.Գ. Չի բացառվում, որ ԶԳ-ի օրոք անձը նախ «նշանակվում» է ամենակարեւոր պաշտոնին, ապա նոր ֆորմալ առումով հրամանագրվում է՝ օրինական կարգով. կամ էլ Պետոյանը ուղղակի դրանք շփոթել է կենսագրությունը լրացնելիս, բայց, անհարմար է այս դեպքում էլ:



ԶՐՈՒՅՑ

ԿԱՆԱԳԱՅՈՒՄ ԵԿԵՂԵՑԻՆ ԳՐԱՎ ԳՆԵԼՈՒ ՄԱՍԻՆ

Կանադայի թեմին ղափակվող եկեղեցին գրավադրելու վերաբերյալ վերջին օրերին մամուլում բազմաթիվ հրադարակումներ են տարածվում, իբրև թեմի առաջնորդի ղափակմանը ներքին իրականացնելիս Բագրատ արքայազնը գրավ է դրել եկեղեցին՝ ղափակելու համար:

Այս մասին «Հողովուրդ» օրաթերթը գրուցել է սրբազան հոր հետ:

-Սրբազան հայր, իշխանական լրատվամիջոցները Ձեր մասին կոչ են տարածել, որ 2013 թվականին Կանադայի Սուրբ Գրիգոր Լուսավորիչ եկեղեցին գրավադրել էք: Ի՞նչ կասեք այս մասին:

-Անգրագիտության մեծագույն աստիճանի են այս մարդիկ: Ստախոսության գլուխգործոցն են վերստին դրսևորում: Առաջնորդը Կանադայում լինի, թե Ամերիկայում, կյուրական իրավասություն չունի: Կա թեմական խորհուրդ, կալվածոց խորհուրդ: Եթե գրավադրելու հարց կա, ապա ազգային խորհուրդ կա, կա թեմական խորհուրդ, կալվածոց տեսչություն կա:

-Նույն իշխանական լրատվամիջոցները նաև տեղեկություններ են տարածում, որ Հանրապետության հրապարակում տեղադրված թեմի համար օրական 25.000 ԱՄՆ դոլար է վճարվում:

-Իմ գործը Ձեզ հարցազրույց տալն է, քայլերն է, մեկ էլ՝ խոսելը: Մասցածի հետ ես գործ չունեմ: Իրենք լավ էլ գիտեն թվերն էլ, ամեն ինչն էլ: Կանադայի հետ կապված էլ ասեմ, եթե որեւէ խնդիր կա, այսօր Տավուշի թեմի գործունեության 90%-ը կանադահայերն են հովանավորում: Այդ նույն մարդիկ հենց Կանադայում բարերարներ են: Եվ խնդրում եմ պաշտոնապես դիմեք կանադահայոց թեմին, ու թող այնտեղից պատասխան տան՝ գրավադրվել է թե՞ ոչ:

-Սրբազան հայր, նախօրեին քաղաքական գործիչ Արման Բաբաջանյանը իր ֆեյսբուքյան էջում գրել էր, որ լիազորված է՝ Կաթողիկոսի հետ նախատեսված հանդիպումից հետո Ամենայն հայոց կաթողիկոսը Ձեզ կուղարկի հետ՝ Տավուշի թեմ:



-Բայց նա ո՞վ է, որ ինչ-որ բան ասի... Ո՞վ է նա: Նրա կենսագրությունն ի՞նչ է, տեսե՛՛ր էք, կարդացե՛՛ր էք: Մի գնացեք Արման Բաբաջանյանին հարցրեք, ասե՛ք խնդրում եմ, Ձեր կենսագրության մասին պատմեք: Այդ հսկա հեռուստաընկերությունը եւ այլնը, ո՞ւմ փողերով ես արել...Եվրամիություն, Ամերիկա...:

Հ.Գ. Հիշեցնենք, որ Civic.am լրատվական օրերու հոդված էր հրատարակել, որում, մասնավորապես, նշվում էր: «Կանադայում լույս տեսնող Armenian Mirror-Spectator շաբաթաթերթը 2013 թվականի հուլիսի 20-ի իր համարում խայսատակ մամուլական է ներկայացրել այդ ժամանակվա Կանադայի թեմի առաջնորդը»:

Բագրատ արքայազնի գործունեությունից: Գալուստյանը, նախ, Կանադայի թեմը ներհան է ինչ-որ սարսիհակ ֆինանսական գործունեության մեջ, որի արդյունքում գոյացել են հարյուր հազարավոր դոլարների պարսֆեր, իսկ հենց էլ փորձել է զուտաբար դիմաց գրավ դնել Կվեբեկի Սուրբ Գրիգոր Լուսավորիչ եկեղեցին»:

Վերոնշյալին անդրադառնալով էլ Տավուշի թեմի առաջնորդը ընդգծել էր, որ հենց նույն կանադահայերն են այսօր ֆինանսավորում Տավուշի թեմի գործունեությունը, եւ որ առաջնորդը ֆինանսական իրավասություններ չունի, հեռավար՝ նման գործունեություն ծավալել չէր կարող:

Զրուցեց ԱՆՆԱ ՍՐԱՊԻՈՆՅԱՆԸ



«ԺԱՌԱՆԳԱԿԱՆ» ՄԱՐԶՊԵՏՈՒԹՅՈՒՆԸ ՆՈՐՄԱՂ Է

«Ժառանգական» մարզպետությունը ՆորմաՂ է. եղբորից եղբայր մարզպետի պաշտոն անցնելը ՆորմաՂ է: Թեմա մի բացեք, ասե՛ք թող խելոք մնա: Այդքան բան»: Այս մասին այսօր՝ մայիսի 13-ին, լրագրողների հետ զրույցում ասաց Տավուշի թեմի առաջնորդ Բագրատ արքայազնը՝ անդրադառնալով տավուշցի պատգամավոր, Աժ «Քաղաքացիական պայմանագիր» խմբակցության անդամ Վահե Ղալումյանի հայտարարությանը, որ ժամանակին սրբազանի հետ սուրճ էլ է խմել, հաց էլ է կերել, բայց հիմա «իր հիմնական գործը թողել, ուզում է զբաղվել քաղաքականությամբ»:

Բագրատ արքայազնը Գալուստյանը լրագրողներին խնդրեց ճշտել, թե ինչ մասնագիտություն ունեն Վահե Ղալումյանն ու մյուսները, որոնք իրեն մեղադրում են իր գործով չզբաղվելու մեջ: «Խնդրում եմ, ով խոսում է՝ մեկիկ-մեկիկ նայեք, թե մասնագիտություններն ինչ են: Վահե Ղալումյանին հարցրեք, թե ի՞նչ մասնագետ է, տեսնե՛ք՝ ինքն իր գործով զբաղվո՞ւմ է», - ասաց նա:

Լրագրողներն ասացին, որ Վահե Ղալումյանն ավարտել է ԵՊՀ Իջեանի մասնաճյուղի տնտեսագիտական ֆակուլտետը, ինչին ի պատասխան Սրբազանն՝ ասաց. «Շատ պարզ է արդեն: Աշխատել է շինարարական կազմակերպությունում աշխույժի օգնական: Բա տնտեսագետը ո՞նց է գնացել աշխույժի օգնական աշխատելու»:

ՄԱՄՍՈՆՅԱՆԻ ԵՎ ՄԱՂԱԹԵԼՅԱՆԻ ԳՈՐԾՈՎ

«Նարեկ Սամոնյանի եւ Վազգեն Սարգսյանի գործով անպայմանորեն ԲԴԻ-ից եւ քաղաքական բարձր իշխանությունից հանձնարարություններ տրվել են»: Այս մասին լրագրողների հետ զրույցում նշեց Վազգեն Սարգսյանը:

«Այս որ ճնշումներ բոլոր դատավորների նկատմամբ, հաստատվել են վարդուց՝ Նարեկի ու Վազգենի կալանքը, եւ ընդհանրապես այն, որ այս գործը գոյություն ունի մինչեւ հիմա, հաստատվել են դրանով: Թե կոնկրետ այս գործով ի՞նչ աստիճանի հանձնարարական է տրվել դատավորին, եւ նա ինչքանով է կարողացել հնարավոր հանձնարարությանը դիմադրել՝ չեմ կարող ասել», - ասաց Բագրատյանը:

Թե ինչ սպասելիքներ կան, Բագրատյանը նշեց. «Եթե կվերամակագրվի այնպիսի դատավորի, որը կունենա ուժ, արդարադատություն իրականացնելու իրական կարողություն, կարող ենք ակնկալել որոշակի հույսեր: Այս դատավորը կոնկրետ այդպիսին էր եւ ապացուցել էր նախկին դատական ակտով: Սակայն գտավ, որ ինքը չպետք է քննի այս գործը, որ կարող է հասարակության մոտ կասկած առաջանալ՝ իր անաչառության հետ կապված: Ափսոսում եմ, քանի որ փորձից գիտենք, որ գործ ունեինք արդարադատություն իրականացնող քիչ մասցած դատավորներից մեկի հետ», - ասաց Բագրատյանը:

ՓՈՎԻՆՅԱՆԸ ԽԱԲԵԼ Է. ՍՈՒՏ 206

ՀԱՆՑԱԳՈՐԾՈՒԹՅՈՒՆՆԵՐԸ ԲՆՆՈՂ ՄԱՐՄԻՆ ՉԻ ՄՏԵՂԾՎԵԼ

2018 թվականի ապրիլի 15-ին՝ Ֆրանսիայի հրադարակում ունեցած երուրթի ժամանակ, Նիկոլ Փաշինյանը հայտարարեց. «Եթե որեւէ ֆաղափացի ՀՀ-ն լքեց եւ չվերադարձավ 24 ժամվա կամ մեկ Եւրոպա ընթացքում, համակարգը նրան ավտոմատ հանում է ընտրողների ցուցակից, հենց մնում է երկիր, նորից ներառվում է ցուցակում: Պե՛տք է ստեղծվի ընտրական հանցագործությունները հետաքննող հասուկ մարմին, որի ղեկավարի թեկնածուին պե՛տք է առաջադրի ընդդիմությունը կամ ընդդիմադիր խմբակցությունները՝ կոնսենսուսով»:



բազմաթիվ են, որ դրանցում տեղ են գտնում մահացած, երկրից բացակայող ան-

ձիքն եւ այսպես շարունակ: Կարճ ասած՝ Փաշինյանը խաբել է:

ՎԻՃԱԲԱՆՈՒԹՅՈՒՆ

ՄԱՄՆԱԿՑԵԼ ԵՆ ՆԱԵՎ ԱՆՉԱՓԱՂԱՄՆԵՐ

Մայիսի 11-ին՝ ժամը 21:25-ի սահմաններում, ոստիկանության կենտրոնական բաժին հաղորդում է ստացվել, որ իրենց է զանգահարել անհայտ քաղաքացի եւ հայցնել, որ Արամի փողոցի 3 հասցեի մոտ ծեծկոտուց է:

Նույն օրը՝ ժամը 21:45-ի սահմաններում, ՀՀ ՆԳՆ ոստիկանության օպերատիվ կառավարման կենտրոն հեռախոսակցի անհայտ քաղաքացու է ստացվել, որ Արամի 1/3 հասցեում գործող «Բլեք Սթար Բուրգեր»-ի դիմաց անհայտ անձը դանակահարել է մոտ 30 տարեկան տղամարդու:

Որոշ ժամանակ անց «Նաիրի» բժշկական կենտրոնից է զանգ ստացվել այն մասին, որ Հյուսիսային պողոտայում տեղի ունեցած դանակահարության հետևանքով «կրծքավանդակի ձախ կեսի կտրած-ծակած վերք» ախտորոշմամբ իրենց մոտ բուժօգնության է տեղափոխվել մի քաղաքացի:

Հիվանդանոց են մեկնել ոստիկանության խմբերը, բժիշկները հայտնել են, որ վիրավորը ի վիճակի չէ կատարվածի մասին բացատրություն տալու, քանի որ գտնվում է վիրահատարանում:

Ոստիկանները պարզել են, որ վիրավորը Երեւանի բնակիչ 31-ամյա Կարեն Ա.-ն է:

Ոստիկանության կենտրոնական բաժնի քրեական հետախուզության բաժանմունքի ծառայողների ձեռնարկած օպերատիվ հետախուզական միջոցառումների շնորհիվ պարզվել է, որ նույն օրը՝ ժամը 21:20-ի սահմաններում, Հյուսիսային պողոտա 11 հասցեի կայանատեղիում Կարեն Ա.-ի ընկերուհու վերաբերյալ առաջացած հարցի շուրջ իր ընկերներ, Արարատի մարզի բնակիչ 26-ամյա Անդրանիկ Դ.-ի, Երեւանի բնակիչներ 30-ամյա Մայիս Հ.-ի եւ 30-ամյա Սամվել Բ.-ի հետ վիճաբանել են



Երեւանի բնակիչներ 21-ամյա Դավիթ Ա.-ի, 17-ամյա Դավիթ Մ.-ի, Շիրակի մարզի բնակիչ 13-ամյա Ալեն Բ.-ի եւ ոմն Մուրադի հետ, որի ժամանակ վերջիններս, կուպիտ կերպով խախտելով հասարակական կարգը, փոխադարձ հարվածներ են հասցրել միմյանց, իսկ Դավիթ Ա.-ն իր մոտ եղած սուր կտրող-ծակող առարկայով հարվածել է Կարեն Ա.-ին՝ պատճառելով մարմնական վնասվածք:

Ոստիկանների ձեռնարկած միջոցառումների շնորհիվ՝ նույն օրը՝ երեկոյան, Անդրանիկ Դ.-ն եւ Մայիս Հ.-ն խուլիգանություն կատարելու եւ մարմնական վնասվածք հասցնելու կասկածով ձերբակալվել են տեղափոխվել են ոստիկանության կենտրոնական բաժին, իսկ Սամվել Բ.-ն ինքնակամ է ներկայացել, որտեղ ձերբակալվել է:

Ձեռնարկվում են անհրաժեշտ օպերատիվ հետախուզական միջոցառումներ՝ ոմն Մուրադի ինքնությունը պարզելու, վերջինիս, դեպքի մյուս մասնակիցներին եւ հանցագործության գործիքը հայտնաբերելու ուղղությամբ:

Դեպքի փաստով նախաձեռնվել է քրեական վարույթ:

ՔՍԱՐ ՄԱՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՄԵՂԱԳԻՐԱՆՔ՝ «ԿԱՄԱԶ»-Ի ՎԱՐՈՐԳԻՆ



«Ժողովուրդ» օրաթերթին հայտնի դարձավ, որ մայիսի 9-ի գիշերը «Կամազ» մակնիշի մեքենայով Հանրապետության Հրապարակ մտած քաղաքացուն մեղադրանք է առաջադրվել: Խափանման միջոց է ընտրվել երկրից չբացակայելը:

Հիշեցնենք, որ ArmLur.am-ը գրել էր, որ մեր տեղեկությունների համաձայն՝ հրապարակում քաղաքացիների վրա ներխուժած բռնատարի վարորդը Արարատի մարզի Զրահովիտ գյուղի բնակիչ Կարեն Դազարյանն է:

Մեզ հասած տեղեկությունների համաձայն՝ նա իրավապահներին պատմել է, որ ինքը «Կամազ»-ով եկել էր՝ միանալու ցուցարարներին: Հիշեցնենք, որ «Տավուշը հանուն հայրենիքի» նախաձեռնության կողմից անցկացվող հանրահավաքի ընթացքում անհայտ անձը «Կամազ» մակնիշի բռնատար ավտոմեքենան վարել է հանրահավաքի մասնակիցների ուղղությամբ:

Վարորդը դեպքի վայրում ձերբակալվել է ոստիկանության ծառայողների կողմից՝ առերեսված հանցավոր արարք կատարելու կասկածանքով: Դեպքի առթիվ ՀՀ քրեական օրենսգրքի 297-րդ հոդվածի (խուլիգանություն) 1-ին մասի հատկանիշներով նախաձեռնվել է քրեական վարույթ:

Ք. ՄԱՆՈՒԿՅԱՆ

ԽՈՒԼԻԳԱՆՈՒԹՅՈՒՆ՝ ՄԱՍԻՍ ԲԱՂԱՔՈՒՄ

Ոստիկանության Մասիսի բաժնի քրեական հետախուզվել օպերատիվ տեղեկություն էին ստացել, որ մայիսի 11-ին՝ ժամը 19:10-ին, Մասիս քաղաքի Հերացու փողոցում հանդիպակաց երթելով են «ՎԱԶ-2112», «Շեվրոլե Վոլտ» եւ «Օպել» մակնիշի մեքենաներ, ինչից հետո «ՎԱԶ-2112»-ից եւ «Օպելից» իջել են մի խումբ անձինք եւ, հասարակության նկատմամբ բացահայտ անհարգալից վերաբերմունք ցուցաբերելով եւ հայիոյանքներ հնչեցնելով, փայտերով եւ մահակներով սկսել են հարվածել «Շեվրոլե Վոլտ» մեքենայում գտնվողներին, իսկ այդ ընթացքում գազային ատրճանակից կրակոցներ են արձակվել:

Ոստիկանության Մասիսի բաժնի ծառայողները ձեռնարկած օպերատիվ-հետախուզական միջոցառումների արդյունքում պարզել են խուլիգանության մասնակիցների ինքնությունը. ութ երիտասարդն էլ Կաթնաղբյուր գյուղի բնակիչ են: Պարզվել է, որ նրանք անձնական հարցի շուրջ ծագած վիճաբանության ժամանակ փայտերով եւ մահակներով հարվածներ են հասցրել «Շեվրոլե Վոլտի» վարորդին, նա էլ գազային ատրճանակից կրակոցներ է արձակել:

Դեպքի վայրի գննությամբ հայտնաբերվել է երեք պարկուճ:

Մայիսի 12-ին «ՎԱԶ-2112»-ի վարորդը՝ Կաթնաղբյուր գյուղի բնակիչ 22-ամյա երիտասարդը, հայտնաբերվել, ձերբակալվել եւ տեղափոխվել է ոստիկանության Մասիսի բաժին: Ձեռնարկվում են միջոցառումներ՝ հանցագործության մյուս մասնակիցներին եւ գազային ատրճանակը հայտնաբերելու ուղղությամբ:

Մասիսի ընկալական բաժնում քրեական վարույթ է նախաձեռնվել:

ԼՈՒՐԵՐ

ՀԵՏԱԽՈՒԶՎՈՒՄ ԷՐ ՌԳ ԻՐԱՎԱՊԱՇՆԵՐԻ ԿՈՂՄԻՑ

Ոստիկանության «Զվարթնոց» օրականակայանի գծային բաժնի քրեական հետախուզվել ձեռնարկված օպերատիվ-հետախուզական միջոցառումների շնորհիվ մայիսի 12-ին Երեւան-Տյումեն չվերթի հաշվառումից հետո գծային բաժին են տարել 55-ամյա Ռուդիկ Ե.-ին: Նա 2020 թվականի սեպտեմբերի 1-ից Ռուսաստանի Դաշնության Տյումեն քաղաքի ոստիկանության կողմից հետախուզվում էր խարդախության մեղադրանքով:

Խափանման միջոցը՝ ստորագրություն:

Հայտնաբերման մասին հայտնվել է հետախուզումը նախաձեռնողին եւ դատախազությանը:

ԿՐԱԿՈՑՆԵՐ ԲԱՍԱԽՈՒՄ

Մայիսի 11-ին՝ ժամը 17:25-ի սահմաններում, Հայաստանի Հանրապետության ներքին գործերի նախարարության ոստիկանության քրեական ոստիկանությունում օպերատիվ տեղեկություններ են ստացվել, որ Քասախ գյուղում կրակոցներ են հնչել, եւ մի տղամարդ ավտոմատը ձեռքին շրջում է:

Ինչպես հայտնում է Shamshtyan.com-ը, ստացված տեղեկություններն իրացնելիս պարզվել է, որ մայիսի 10-ին Կոտայքի մարզի բնակիչ 29-ամյա Վազգեն Զ.-ն հեռախոսով անձնական հարցերի շուրջ վիճաբանել է Կոտայքի մարզի բնակիչ 28-ամյա Ալեքսան Ա.-ի հետ եւ հայիոյել վերջինիս, ապա իր սեփական անձի առավելությունն ընդգծելու մոլուցքով մայիսի 11-ին ժամը 15:20-ի սահմաններում, Քասախ գյուղի Ռ. Սաֆարյան փողոցում հանդիպել է Ալեքսան Ա.-ին, որի ժամանակ Վազգեն Զ.-ն իր մոտ ապօրինի պահվող «ԱԿՍ» տեսակի ինքնաձիգից մի քանի անգամ անկանոն կրակոցներ է արձակել եւ այդ կերպ համակեցության կանոնների ցուցադրաբար անտեսմամբ բացահայտ ոչ հարգալից վերաբերմունք ցուցաբերել, չնչին առիթն օգտագործել է եւ իր կողմից ապօրինի պահվող «ԱԿՍ» տեսակի ինքնաձիգից կրակոցներ արձակելու միջոցով 15-20 րոպե տեւողությամբ խուլիգանական դրդումներով խախտել հասարակական կարգը:

Ոստիկանությունը ձեռնարկում է միջոցառումներ՝ Վազգեն Զ.-ին եւ վերջինիս կողմից ապօրինի պահվող «ԱԿՍ» տեսակի ինքնաձիգը հայտնաբերելու ուղղությամբ:

Դեպքի փաստով ոստիկանության Նաիրիի բաժնում կազմվել են փաստաթղթեր, որոնք փոխանցվել են Հայաստանի Հանրապետության ընկալական կոմիտեի Կոտայքի մարզային ընկալական վարչության Նաիրիի ընկալական բաժնին, որտեղ նախաձեռնվել է քրեական վարույթ:

● Ըստ ոստիկանության տվյալների՝ մայիսի 10-ից 13-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 181 դեպք, որից 6-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԱՐԶՊԵՏԸ ՄՄԻԵՂ Է ԾԱԽՍԵՐԻ ԳՈՒՄԱՐԸ

2023 թվականի աշնանը Արցախից բռնազաղթած, Տավուշի մարզում հաստատված 2970 արցախցիների հյուրատանային ծախսերի համար, ըստ Տավուշի մարզպետարանից ստացված տվյալների, պետական բյուջեից ծախսվել է 216.8 միլիոն դրամ: Տեղեկատվական հարցում ենք ուղարկել Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որդեմամբ՝ 2021թ. ապրիլի 8-ին Տավուշի մարզպետ նշանակված Հայկ Ղալումյանին՝ խնդրելով հայտնել, թե այդ 216.8 միլիոն դրամը արցախցիներին հյուրատանային ծառայություններ մատուցած ո՞ր կազմակերպություններին, յուրաքանչյուրին ի՞նչ չափով է հատկացվել: Մարզպետը մերժել է տրամադրել այդ տեղեկությունը՝ դա համարելով առևտրային գաղտնիք: Պետական բյուջեի գումարների հատկացումը ո՞նց կարող է առևտրային գաղտնիք լինել. մայիսի 3-ին մարզպետին նոր հարցում ենք ուղարկել՝ խնդրելով պատասխանել հարցին՝ Նշված տեղեկությունը առևտրային գաղտնիք համարելը Ձեր անձնական կարծիքն է, թե՛ մարզպետարանի իրավաբանական բաժնի, պատրաստ էք այդ տեղեկությունը առևտրային գաղտնիք համարելը եւ այդ հիմքով այն չտրամադրելը հիմնավորել դատարանում: Մարզպետը պատասխանել է մայիսի 3-ին ուղարկված տեղեկատվական հարցման բոլոր հարցերին, սակայն միտումնավոր անտեսելով՝ չի պատասխանել այդ հարցին: Հայկ Ղալումյանը ինչո՞ւ է խուսափում հիշյալ հարցին պատասխանելուց. մարզպետը մխթել է Արցախից բռնազաղթածների հյուրատանային ծախսերի գումարը:

ԻՋԵՎԱՆԻ ՄԱՐԶՊԵՏԱՐԱՆ, ՈՉ ԹԵ ՏԱՎՈՒՐԵՐ

Տավուշի մարզը կազմված է 4 խոշոր համայնքներից՝ Իջեան, Դիլիջան, Բերդ, Նոյեմբերյան: Տավուշի մարզպետարանի ութ տասնյակ աշխատակիցների մեջ Դիլիջան, Բերդ, Նոյեմբերյան համայնքների ոչ մի բնակիչ չկա, բոլորը իջեանցիներ են: Տավուշի մարզպետ Հայկ Ղալումյանին հարցադրում ենք արել, թե է՞րբ են Տավուշի մարզպետարանի աշխատակազմում աշխատելու Դիլիջան, Նոյեմբերյան, Բերդ համայնքների բնակիչներ: Մարզպետարանից ստացված պատասխանում նշված է. «ՀՀ Տավուշի մարզպետի աշխատակազմում թափուր հաստիքները համալրվում են մրցույթի արդյունքում: Թափուր հաստիքների վերաբերյալ հայտարարությունները տեղադրվում են ՀՀ Վարչապետի աշխատակազմի քաղաքացիական ծառայության գրասենյակի կայքէջում եւ ՀՀ Տավուշի մարզպետի աշխատակազմի կայքէջում: Հայտարարված մրցույթներին առ այսօր Ձեր կողմից նշված տարածքներից դիմորդներ չեն եղել»: Ահա այսպիսի «շատ համոզիչ» պատասխան, որի մեջ էլ վարչապետ բառն էլ, անհիմն կերպով, մեծատառով է գրել:

ՈՍՎԻՆ ՍԱՐԳՍՅԱՆ Տավուշ

ԲՈՒԺԱՇԽԱՏՈՂՆԵՐԻ ՀԱՄԱՐ

ՄԱՄՆԱԳԻՏԱԿԱՆ ԴԱՍԸՆԹԱՑՆԵՐ

Բուժախասողների համար նախատեսվում է սահմանել դասընկեր շարունակական մասնագիտական զարգացման դասընթացների ցանկ: Գործադիր մայիսի 8-ի նիստում հավանության է արժանացրել «Բնակչության բժշկական օգնության եւ սոցաաակման մասին» օրենքում լրացումներ կատարելու մասին» օրենքի նախագիծը: Ակնկալվում է առանձին կարեւորություն դառնալու դասընթացների ցանկ սահմանել բուժախասողների համար: Որդեւ օրինակ կարող է լինել արտակարգ իրավիճակներում, աղետների ժամանակ առաջնությունը ցուցաբերող անհետձգելի բուժօգնության կամ օրինակ բուժախասողների մասնագիտական էթիկայի կանոնների վերաբերյալ դասընթացները: Գրանից բացի՝ կարող են լինել համաձայնակային իրավիճակներում վարակաբուժություն վերաբերող դասընթացները եւ այլն:



սընթացին չմասնակցեն: Այս նախագծի նպատակն այն է, որ տվյալ իրավիճակի վերլուծությունից ելնելով՝ արտակարգ դեպքեր, համաճարակ, կապահանջվեն կոնկրետ դասընթացներ, ու դրանք կներառվեն պարտադիր ցանկում», - ասաց Կարինե Աբրահամյանը: ՀՀ ԱՆ առողջապահության ազգային ինստիտուտի տնօրեն Ալեքսանդր Բազարյանը նշեց, որ պարտադիր դասընթացների ցանկը սահմանելու է ՀՀ կառավարությունը: Դասընթացների ցանկը քարոզած չի լինելու, այն ժամանակվա ընթացքում փոփոխման ենթակա է: Նախագիծով առաջարկվում է նաեւ օտարերկրյա եւ միջազգային կազմակերպությունների կողմից իրականացվող շարունակական մասնագիտական զարգացումն ապահովող միջոցառումների մասնակցության համար սահմանել փոխհատուցման կարգ եւ փոխհատուցման ենթակա դեպքեր, որի հաստատման լիազորությունը վերապահված է կառավարությանը:

«Հեղինակավոր միջազգային կազմակերպությունների կողմից իրականացվող դասընթացները հասանելի կլինեն բուժաշխատողների համար, պետությունը կվճարի այդ մասնակցության համար: Հատկապես մեր մարզային բուժաշխատողները հնարավորություն կունենան համաշխարհային բժշկության շարժերին ծանոթանալ մասնակցելով հեղինակավոր միջազգային կառույցների կողմից կազմակերպվող դասընթացներին», - ասաց Ալեքսանդր Բազարյանը: Մասնագետներն ընդգծում են, որ այս սոր մոտեցմամբ բուժաշխատողները կլինեն ավելի պատրաստված, նրանց հնարավորություններն ու կարողությունները կզարգանան, իսկ բուժառուն միայն կշահի դրանից: Շարունակական մասնագիտական զարգացման պարտադիր դասընթացների մասնակցությունը հավելյալ ֆինանսական ծանրաբեռնվածություն չի նախատեսվում:

ՀԱՄԱ ՄԻՔԱՅՆԵՆԱՆ

ԼՈՒՐԵՐ

ԱՄԵՆՈՒԺԵՂ ՓՈԹՈՐԻԿԻ ՀԵՏԵՎԱՆՔՆԵՐԸ

Մայիսի 11-ի ուժեղ մազկիսական փոթորիկը միայն փոքր խափանումներ է առաջացրել էլեկտրացանցում, կապի համակարգերում եւ արբանյակներում: Մայիսի 11-ի առավոտյան SpaceX-ի Starlink արբանյակային ինտերնետային ծառայության կայքը հայտնել է, որ ծառայության որակը վատացել է: Բայց, ի վերջո, փոթորիկը էական վնաս չի պատճառել: ԱՄՆ Արտակարգ իրավիճակների կառավարման դաշնային գործակալությունը (FEMA) եւ Էներգետիկայի նախարարությունը հայտնել են, որ երկրի ոչ մի տարածաշրջան չի հաղորդել մազկիսական փոթորիկի զգալի ազդեցությունների մասին: Այնուամենայնիվ, հյուսիսափայլի վառ մանուշակագույն, կանաչ, դեղին եւ վարդագույն երանգները նկատվել են ամբողջ աշխարհում, Գերմանիայում, Շվեյցարիայում, Չինաստանում, Անգլիայում, Իսպանիայում եւ այլ երկրներում: Մարդկության պատմության մեջ ամենահզոր մազկիսական փոթորիկը տեղի է ունեցել 1859 թվականին: Այն առաջացրել է բեռնափայլեր Կենտրոնական Ամերիկայում եւ, հնարավոր է, նույնիսկ Հավայան կղզիներում: Նման իրադարձությունը կարող է վնասել բարձրավոլտ էլեկտրա-

հաղորդման գծերին եւ արբանյակներին, որոնք հիմնված են երկրի վրա նավթագինոն եւ հաղորդակցության ծառայությունների վրա:

ՓՈԹՈՒՈՒԹՅԱՆ ՆԱԽԱԳԻԾ

Հայաստանի Ազգային ժողովի Ֆինանսավարկային եւ բյուջետային հարցերի մշտական հանձնաժողովը մայիսի 13-ի նիստում ընդունել է «Հաշվեքննիչ պալատի մասին» օրենքում փոփոխություններ եւ լրացումներ կատարելու եւ դրանցով համալրված փաթեթի օրենքի նախագիծը: Օրենքում փոփոխություններ եւ լրացումներ կատարելու վերաբերյալ իր առաջարկներն է ներկայացրել ԶՊ խմբակցության պատգամավոր Արուսյակ Մանավազյանը: Նա առաջարկել է Հաշվեքննիչ պալատում ծառայությունը ներդնել՝ որպես պետական ծառայության նոր տեսակ եւ սահմանել դրան անցնելու իրավական կառուցակարգերը: Արուսյակ Մանավազյանի հաջորդ առաջարկը վերաբերում էր՝ «Հաշվեքննիչ պալատի մասին» օրենքում փոփոխություններ եւ լրացումներ կատարելու մասին նախագծի 8-րդ հոդվածում սահմանել, որ իրավաբանական անձանց ստուգման Հաշվեքննիչ պալատի գործառնությունը չի տարածվում ՀՀ օրենքով ան-

րոշ թվով հասցեատերերի համար սահմանված հարկային արտոնությունների վրա:

Պատգամավոր Ծովինար Վարդանյանը նշել է, որ սրանով Հաշվեքննիչ պալատի մասին օրենքում փոփոխություններ են կատարվում, որոնք սահմանում են Հաշվեքննիչ պալատի կարողությունները եւ լիազորությունները: Դրանք, ըստ նրա, կուժեղացնեն նաեւ ԱԺ պատգամավորների հնարավորությունները՝ կառավարության նկատմամբ իրենց վերահսկողական գործառնությունը կատարելու առումով:

ԳԵՂԱՐՎԵՍՏԱԿԱՆ ԼՈՒՍԱՎՈՐՈՒԹՅՈՒՆ ԿԼԻՆԻԿ

Ալեքսանդր Սպենդիարյանի անվան օպերայի եւ բալետի ազգային ակադեմիական թատրոնի շենքը գեղարվեստական լուսավորություն կունենա: Այս մասին նշվել է այսօր՝ մայիսի 13-ին, Երեւանի քաղաքապետարանի աշխատանքային հերթական խորհրդակցության ժամանակ: Նախագիծը դեռեւս քննարկման փուլում է: Գեղարվեստական լուսավորությամբ կապահովվի նաեւ «Մայր Հայաստան» հուշարձանը: Բացի այդ, նշվել է, որ Նորք-Մարաշ վարչական շրջանում կկանաչապատվի շուրջ 10 հա տարածք, կանցկացվի ոռոգման նոր համակարգ:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 39 պատահար. 2 մարդ զոհվել է, 50-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԾԱՌԱՅՈՒԹՅՈՒՆ

Ozon-Ը ԱՌԱՔՈՒՄ ԿԳՈՐԾԱՐԿԻ

Հայաստանում Ozon-ը հայտարարում է այտուղ սեփական սուրհանդակային առաքման մեկնարկի մասին...

Նախկինում Հայաստանի բնակիչները պատվիրված ապրանքները կարող էին ստանալ կամ բրենդավորված Ozon-ի պատվերների հանձնման կետերից...

Ozon սուրհանդակային առաքման համար պատվերի նվազագույն արժեքը 4800 ՀՀ դրամ է: 4800-ից 17000 դրամ արժեքող պատվերների դեպքում առաքումը կարժենա 1500 դրամ: 17000-ից ավելի արժողությամբ պատվերների դեպքում առաքումը կլինի անվճար:

«Հայաստանի բնակչության շրջանում աճում է հետաքրքրությունը առցանց գնումների նկատմամբ... Օզոն-ում հայաստանյան օգտատերերին օրական 5000-ից ավելի պատվեր են գրանցում: Մենք մշտապես ձգտում ենք բարելավել մեր ծառայությունները, շարունակում ենք աշխատել լոգիստիկ ցանցի ընդլայնման և պատվերների ստացման գործընթացների օպտիմալացման ուղղությամբ: Օզոն-ի սեփական սուրհանդակային առաքման ծառայության գործարկումը ես մեկ քայլ է գնումների մատչելիության բարձրացման և «Մարքեթփլեյտում» հաճախորդների սպասարկման բարելավման ուղղությամբ»,- ասաց «Ozon Հայաստան»-ի կոմերցիոն տնօրեն Ալոոս Հախվերդյանը:

«ՅՈՒՆԻԲԱՆԵ» ՀԱՅՏԱՐԱՐՈՒԹՅՈՒՆ

Հարգելի հաճախորդներ, տեղեկացնում ենք, որ «Յունիբանկ» Բազրատույնյաց մասնաճյուղում /հասցե՝ Երևան, Բազրատույնյաց 22/2, 54/08.05.2024թ.-02.08.2024թ. ներառյալ իրականացվելու են վերանորոգման աշխատանքներ, որոնց պատճառով նշված ժամանակահատվածում հաճախորդների սպասարկում չի իրականացվի: Բազրատույնյաց մասնաճյուղն իր աշխատանքը կվերսկսի 05.08.2024թ.-ից:

Հայցում ենք Ձեր ներողամտությունը պատճառած անհարմարությունների համար և առաջարկում այդ ժամանակահատվածում սպասարկվել «Յունիբանկ» մոտակա՝ «Հայրենիք» մասնաճյուղում /Երևան, Գարեգին Նժդեհ 34, 4/1/:

Տեղեկատու կենտրոն՝ +374 10 59 55 55:

Բանկը վերահսկվում է ՀՀ Կենտրոնական բանկի կողմից:

ՎՋԵԲ ՏԱՐԵԿԱՆ ԺՈՂՈՎ

ՀԱՄԱՐՈՒՆՉ՝ ԲԱՆԿԻ ՈՐԴԵԳՐԱԾ ՌԱԶՄԱՎԱՐՈՒԹՅԱՆԸ

«Կոնվերս բանկը» ՎՋԵԲ սարեկան ժողովի գլխավոր հովանավորն է: Չեզ ենթերկայացնում միջոցառմանը բանկի մասնակցության ձեռնարկի, սոցիալադեռ դասասխանառու ֆինանսավորման ոլորտում մասնակցության և միջոցառումից ակնկալիքների մասին գրույցը՝ բանկի գլխավոր գործադիր սնօրենի տեղակալ, ֆինանսական սնօրեն Հրանտ Հակոբյանի հետ:

-ՎՋԵԲ-ի հետ «Կոնվերս բանկը» համագործակցության հարուստ փորձառություն ունի, ո՞ր ոլորտներն է ընդգրկել երկկողմ համագործակցությունը, և ինչպե՞ս կընտրոջեք այն:

-«Կոնվերս բանկը» ՎՋԵԲ-ի հետ երկարամյա արդյունավետ և ընդգրկուն համագործակցության փորձ ունի, որի շրջանակում բանկի կողմից Հայաստանի տնտեսության տարբեր ոլորտների զարգացման ուղղված բազմաթիվ ծրագրեր են իրականացվել: Բանկը ՎՋԵԲ-ի հետ ակտիվ համագործակցում է միջազգային առևտրի խթանման և ՓՄՁ-ների ֆինանսավորման ոլորտում: Մասնավորապես՝ ներգրավված ռեսուրսների շնորհիվ հաջողությամբ իրականացվել է «Կանայք բիզնեսում» ներառական ծրագիրը, ինչպես նաև ՓՄՁ ֆինանսավորման ծրագիրը:

Դրանց շնորհիվ գրանցված արդյունքները բարձր են գնահատվել հենց ՎՋԵԲ-ի կողմից, ինչի շնորհիվ «Կոնվերս բանկը» երկու անգամ արժանացել է «Տարվա Գործարք - Կանաչ Առևտուր» մրցանակին, իսկ ՓՄՁ ֆինանսավորման ոլորտում «ՎՋԵԲ-ի կարերու գործընկեր» պատվավոր մրցանակին:

ՎՋԵԲ-ի հետ համագործակցում ենք նաև մասնագիտական կարողությունների զարգացման և տեխնիկական աջակցության ծրագրերի շրջանակում:

-Ի՞նչ ձեռնարկով է բանկը մասնակցում տարեկան ժողովին, և ինչո՞վ է կարելու վում բանկի մասնակցությունը համաշխարհային մակարդակով այդ կարերու միջոցառմանը:

-ՎՋԵԲ տարեկան ժողովը համաշխարհային մակարդակով տնտեսական կարերու դադունց միջոցառումներից է, որը հնարավորություն է տալիս հարողակցվել միջազգային ֆինանսական հանրության կողմից ընդունված, հեղինակություն վայելող մասնագետների հետ, ինչպես նաև ՎՋԵԲ ծրագրերում ներգրավված իրական հատվածի ընկերությունների ներկայացուցիչների հետ:

Միաժամանակ, սա շատ պարտավորեցնող միջոցառում է հուզական տեսանկյունից, քանի որ դրա շնորհիվ ՀՀ-ն հայտնվում է համաշխարհային ֆինանսական աշխարհի քարտեզում:

ՎՋԵԲ 2024թ. տարեկան ժողովին «Կոնվերս բանկը» մասնակցում է ոչ միայն որպես հայաստանյան ֆինանսական հատվածի ներկայացուցիչ, այլև որպես միջոցառման գլխավոր հովանավոր (Major sponsor): Նման մասշտաբի միջոցառման մասնակցությունը համահունչ է բանկի որդեգրած ռազմավարությանը՝ առկա մարտահրավերներին դիմակայելու, ռիսկերը զսպելու և բանկի հետագա զարգացման նպատակով միջազգային և արտասահմանյան կառույցների հետ սերտ համագործակցության առումով:

-Տարեկան ժողովի շրջանակում անցկացվելու է «Ազդեցության համատեղ գործարքում» (Delivering Impact Together) խորագրով գործարք համաժողով կա-



րերով միասնականության, համատեղ conversebank.am ջանքերի գործարքումն առավելագույն արդյունքի հասնելու համար: Ինչպե՞ս եք տեսնում «Կոնվերս բանկի» տեղն ու դերը այս հայեցակարգում, տեսլականում, և ի՞նչ պատասխանատվություն է պատրաստ ստանձնել բանկը:

-Delivering Impact Together՝ համատեղ, միասնական օրակարգ է ջանքեր մարտահրավերները հաղթահարելու համար:

Համաշխարհային տնտեսության առջև այսօր ծառայած են այնպիսի մարտահրավերներ, ինչպիսիք են կլիմայի փոփոխությունը, կիբերանվտանգությունը, աշխարհաքաղաքական վերջին զարգացումները, որոնց դժվար է դիմակայել ինքնուրույն և մեկուսի: Նշված մարտահրավերներին դիմակայելու համար անհրաժեշտ է մոբիլիզացնել համաշխարհային գիտելիքն ու փորձառությունը, ստեղծել փորձի փոխանակման և համագործակցության հնարավորություններ և հարթակներ:

Այս առումով կարելու էմ ՎՋԵԲ տարեկան ժողովի շրջանակում անցկացվելիք գործարք համաժողովը, որը նոր կայերի և նոր համագործակցությունների հնարավորություններ է ընձեռում մասնակիցներին: Մշտապես ներկայացված լինելով միջազգային հարթակներում՝ «Կոնվերս բանկը» առաջնորդվում է հաճախորդների պահանջմունքները լավագույնս բավարարելու սկզբունքով՝ ձգտելով նրանց համար ստեղծել անհատական և նորարարական լուծումներ, տրամադրել բիզնեսի զարգացման հնարավորություններ և ֆինանսական ռեսուրսների հասանելիություն:

-Կայուն, սոցիալապես պատասխանատու բիզնեսի կայացման հարցում ինչպիսի՞ն է «Կոնվերս բանկի» ռազմավարությունը: Դրողուկտների մշակման գործընթացում ինչպիսի՞ նշանակություն է տրվում սոցիալապես պատասխանատու, կայուն ֆինանսավորմանը և բանկային ծառայությունների հասանելիությանը:

-Սոցիալապես պատասխանատու ֆինանսավորումը, ներառականությունը, կլիմայական և բնապահպանական ռիսկերի զսպումը ֆինանսավորման գործընթացում «Կոնվերս բանկի» ռազմավարական առաջնահերթություններից են:

Ելնելով այս հանձնառությունից՝ բանկում ներդրել ենք բնապահպանական, սոցիալական և կառավարչական մի շարք սկզբունքներ, որոնց վրա էլ հիմնված են պրողուկտների մշակման գործընթացները: Այս ոլորտում նույնպես «Կոնվերս բանկը» սերտորեն համագործակցում է

ՎՋԵԲ-ի և մյուս ինստիտուցիոնալ գործընկերների հետ: Մասնավորապես՝ ցանկանում են նշել ՎՋԵԲ-ի կողմից իրականացվող Climate Practices and Transition Planning ծրագրի բանկի համապատասխան աշխատակիցների մասնակցությունը, որի նպատակն է կլիմայական ռիսկերի կառավարման և անցումային պլանավորման (transition planning) ոլորտում ձեռք բերել գիտելիքներ և պրակտիկ հմտություններ:

-Ի՞նչ ակնկալիքներ ունեք միջոցառումից և համագործակցության ինչպիսի՞ հեռանկարներ եք տեսնում ՎՋԵԲ-ի հետ:

-ՎՋԵԲ-ը «Կոնվերս բանկի» ռազմավարական գործընկերն է: Մենք ակնկալում ենք շարունակական գործընկերային նոր մակարդակ, մասնակցություն ավելի մեծ թվով նախագծերի:

ՎՋԵԲ-ի տարեկան ժողովը հրաշալի հարթակ է համաշխարհային տնտեսական և ֆինանսական զարգացումների մասին տեղեկանալու, առկա մարտահրավերների և ռիսկերի զսպման մեխանիզմների conversebank.am-ի վերբերյալ քննարկումներին մասնակցելու, ինչպես նաև միջազգային ֆինանսական կազմակերպությունների և օտարերկրյա բանկերի հետ հարաբերությունների ստեղծման և ընդլայնման համար: Ինչպես նախորդ տարիներին, այս տարի ես ակնկալում ենք մասնակցության բարձր ցուցանիշ և համագործակցության նոր հնարավորություններ:

Մենք բարձր ենք գնահատում ՎՋԵԲ-ի հետ մեր երկարամյա գործընկերությունը և հուսով ենք, որ այն լինելու է շարունակական՝ ընդգրկելով ոչ միայն համագործակցության տրադիցիոն ոլորտները, այլ նաև ժամանակի պահանջներին և մարտահրավերներին համահունչ այլ ծրագրերի շրջանակում գործընկերությունը:

Վստահ ենք, որ այս միջոցառման շնորհիվ Հայաստանում կստեղծվեն, կծեակվորվեն ամուր նախադրյալներ տնտեսության և բիզնեսի հետագա, շարունակական զարգացման համար:

-Եվ վերջում, ի՞նչ կնադեք միջոցառման մասնակիցներին:

-Միջոցառման մասնակիցներին մադթում ենք վայելել հայկական հյուրընկալությունը, հրաշալի ժամանակ անցկացնել մեր երկրում, ինչպես նաև արդյունավետ հանդիպումներ, հետաքրքիր և բովանդակալից քննարկումներ, նոր համագործակցությունների շուրջ համաձայնություններ:

Կոնվերս Բանկը վերահսկվում է ՀՀ ԿԲ կողմից:

«ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԱՐԺԵՔՆԵՐԻ ԴԵՏԵՐՈՎ

ԲԵՐՁՈՐԻ ԱՎԵՐՎԱԾ ՍՈՒՐԲ ԸՆԲԵՐՁՄԱՆ ԵԿԵՂԵՑԻՆ

Վերջին երկու-երեք օրը ակտիվորեն ֆինանսավորվում է Բերձորի Սուրբ Համբարձման Եկեղեցու գոյության հարցը...

Եկեղեցին Հայ Առաքելական Եկեղեցու Արցախի թեմին է պատկանում և կառուցվել է 1996-ից 1999 թվականներին...

1996 թվականի մարտի 3-ին եկեղեցու հիմքը դրվել է փոքրիկ բարձրության վրա: Գմբեթի խաչի օծումը կատարվել է 1998 թվականի մայիսի 31-ին...

Եկեղեցու բացման առաջին օրից շրջանի հոգևոր հովիվն է եղել Հայր Աթա Նասա վարդապետը, իսկ 2019 թվականից նրան փոխարինել է Տեր Բենիամին քահանա Ծատուրյանը...



Ֆոխարեն պիտի կառուցվեր երկու միևրեթ: 2023 թվականի հունիսի 23-ին Արցախի Հանրապետության Պատմական միջավայրի պահպանության պետական ծառայությունը հայտարարել է...

Եկեղեցու ճարտարապետը ճանաչված եկեղեցաշինարար Հրաչյա Գասպարյանն է եղել: Հիմնական քանդակագործի հեղինակը հայ անվանի քանդակագործ Արտաշես Հովսեփյանը:

Եկեղեցու դիմախոսը քանդակված է գրիգոր Նարեկացու խոսքը՝ «Թաղեցեալ լինիմք, եւ ո՛չ խոնարհիմք»:

Տաճարի երեք դռների հեղինակը փայտագործ վարպետ Վանո Դադոյանն է:

Եկեղեցու ջահը եւ խաչերը պատրաստել են ՀՀ Հուշարձանների պահպանության վարչության Աշտարակի արվեստանոցի դարբինները, իսկ երկու զանգերը՝ Նվիրաբերված են Լիբանանի հայ համայնքի կողմից:

Եկեղեցին կառուցված է Սիսիանի Շաքի գյուղի հանքավայրերի կապտավուն բազալտ քարից եւ ցեմենտի շաղախից: ԳՈՐԻ ԲԱՂՈՍԱՍՈՒՅԱՆ

ՄԱՐԶԱԿԱՆ

18 ՄԵՂԱԼ ԵՆ ԵՎԱՃԵԼ

Հայաստանի սամբոյի տարբեր տարիքային հավաքականները 3 ոսկե, 8 արծաթե եւ 7 բրոնզե մեդալ են նվաճել Սերբիայի Նովի Սադ քաղաքում մայիսի 9-12-ն անցկացված Եվրոպայի պատանիների, երիտասարդների եւ մեծահասակների առաջնությունում:

Թիմային ընդհանուր հաշվարկով հայ մարզիկները 18 մեդալով զբաղեցրել են 4-րդ հորիզոնականը:

Հայաստանի հավաքականի կազմում Եվրոպայի չեմպիոնի կոչմանն արժանացել են Մայիս Ներսիսյանը (64 կգ/ մարտական սամբո), Աննա Այվազյանը (50 կգ/ երիտասարդներ) եւ Ալեքս Խաչատրյանը (53 կգ/ պատանիներ):

Մեծահասակների պայքարում փոխչեմպիոնի կոչմանն արժանացել են 64 կգ քաշային Նարեկ Դավաթյանը, 98 կգ քաշային Արսեն Խանջյանը, մարտական սամբոյի 98 կգ քաշային կարգում հանդես եկող Արման Ավանեսյանը եւ 54 կգ քաշային Արփինե Մասցականյանը: Երիտասարդների պայքարում արծաթե մեդալներ են նվաճել Սամվել Դազարյանը (79 կգ), իսկ պատանիների պայքարում՝ Մելինե Առաքելյանը (47 կգ քաշային), Նարեկ Սիմոնյանը (53 կգ) եւ Սեյրան Սարուխանյանը (88 կգ):

Մեծահասակների պայքարում բրոնզե մեդալներ են նվաճել Կարեն Սարգսյանը (58 կգ), Սրբուհի Հովակիմյանը (59 կգ), մարտական սամբոյի 71 կգ քաշային Սիեր Մեդալյանը եւ 88 կգ քաշային Ավետիք Պողոսյանը: 18-20 տարեկան երիտասարդների պայքարում պատվո հարթակի երրորդ աստիճանին են կանգնել Սիեր Մելոյանը (58 կգ) եւ Անի Մարտիրոսյանը (54 կգ), իսկ 16-18 տարեկան պատանիների պայքարում՝ 79 կգ քաշային Լեւոն Վանոյանը:

Եվրոպայի առաջնությանը մասնակցել է 29 երկրի շուրջ 600 մարզիկ:

Ավելի վաղ՝ Եվրոպայի առաջնության Նախօրեին, տեղի է ունեցել մարզաձեռքի Եվրոպայի ֆեդերացիայի գործկոմի նիստը, որի շրջանակում անցկացվել են գործկոմի նոր կազմի եւ ֆեդերացիայի ղեկավար կազմի ընտրությունները:

Հայաստանի սամբոյի ֆեդերացիայի Նախագահ Միքայել Հայրապետյանն ընտրվել է Եվրոպայի ֆեդերացիայի փոխնախագահի պաշտոնում:

ԱՎԱՐՏԵԼ ԵՆ ԵԼՈՒՅԹՆԵՐԸ ԳՈՒԲԱՅՈՒՄ

Հայաստանը ներկայացնող շախմատիստներն ավարտեցին ելույթները Դուբայի միջազգային մրցաշարում:

Հայաստանի ներկայացուցիչներից լավագույն արդյունք գրանցել է Շանթ Սարգսյանը, որն 9 հնարավորից հավաքել է 6 միավոր եւ գրավել 8-րդ հորիզոնականը: Նույն միավորով 13-րդ տեղում Հայկ Մարտիրոսյանն է: Հովիկ Հայրապետյանը 30-րդ տեղում է, Սամվել Տեր-Սահակյանը՝ 31-րդ:

Մրցաշարի լավագույն երեք տեղերում Հնդկաստանի ներկայացուցիչներն են:

ԻՄՊՐԵՍԻՈՆՆԻՍ ԿՈՄՊՈԶԻՏՈՐՆԵՐ

ԳԵՂԵՑԻԿԸ ԵՐԱԺՇՏՈՒԹՅԱՆ ՄԻՋՈՑՈՎ

Մայիսի 16-ին՝ ժամը 19:30-ին, «Աննա Բաբաջանյան» համերգասրահում կկայանա «Լուսնի լույսը. Իմպրեսիոնիզմի գլուխգործոցների դասնություն» խորագրով համերգը: Մենակատարներ՝ Աննա Յագարելի (դաշնամուր), Կարեն Շահգալդյան (ջութակ):



Աննա Յագարելիի նոր հեղինակային ծրագրում հանդիսատեսը կարող է վերագտնել իմպրեսիոնիստ կոմպոզիտորների ամենահայտնի ստեղծագործությունները, ինչպես նաեւ լսել առասպելներ, հեքիաթներ, բանաստեղծություններ ու բազմաթիվ հետաքրքիր պատմություններ երաժշտության մասին:

Հեղինակը գրում է. «Իմպրեսիոնիզմի գլուխգործոցների մասին համերգային Նախագիծն իմ ամենաիրերելի ծրագրերից է: Այստեղ համատեղվում են գեղեցկագույն երաժշտությունը, կերպարվեստը, պոեզիան եւ անչափ գրավիչ արվեստային պատմությունները: Ես կպատմեմ առասպելական կերպարների, արքայադուստրերի եւ գեյությունների մասին, կկար-

դամ պոեզիա, ցույց կտամ նկարագրողումներ եւ տեսանյութեր... Իմպրեսիոնիստների կերպարային աշխարհն աներեւակայելի գեղեցիկ է եւ բանաստեղծական: Եթե ուզում եք երկու ժամով մոռանալ առօրյան, կտրվել հոգուերից ու

ոգեշնչվել գեղեցիկով՝ ապա այս ծրագիրն այն է, ինչ ձեզ հարկավոր է»:

Աննա Յագարելիին դաշնակահարուհի է ավարտելով Մոսկվայի կոնսերվատորիան եւ ասպիրանտուրան՝ արժանացել է մի շարք միջազգային մրցույթների դափնեկրի կոչման, մասնակցել բազմաթիվ երաժշտական փառատոների: Մոսկվայի Մեծ թատրոնի կամերային երաժշտության համերգաշարի հրավիրված արտիստ է, դասական երաժշտության «Երաժշտական պատվաստում» Նախագծի ղեկավար, դաշնամուրի դասավանդման սեփական մեթոդիկայի հեղինակ:

Նախագծի հատուկ հյուրն է Կարեն Շահգալդյանը: Երաժիշտը համերգներով հանդես է եկել աշխարհի լավագույն դահլիճներում. Նյու Յորքի Կարնեգի Հոլ, Մոսկվայի կոնսերվատորիայի Մեծ դահլիճ, Վիեննայի Մուզիկֆերայն... Կարենը Շահգալդյանը համերգներով այցելել է շուրջ 30 երկրների 200-ից ավելի քաղաքներ՝ հանդիսատեսին մշտապես գերելով իր կատարողական վարպետությամբ:

● Մայիսի 16-ին՝ ժամը 19:30-ին, Աննա Բաբաջանյան համերգասրահում կներկայացվի «Լուսնի լույսը» երաժշտական միջոցառումը: Տոմսերի արժեքը՝ 2000-5000 դրամ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԻՐԱՎԱԿԱՆ

ՀԱՐՑ. Ո՞ր դեպքերում է ամուսնալուծությունը կատարվում դասական կարգով:
Հայկ Գաբրիելյան (41 տարեկան)



ՊԱՏԱՍԽԱՆ. Ամուսնալուծությունը կատարվում է դատական կարգով, եթե՝
 ա) բացակայում է ամուսնալուծության մասին ամուսիններից մեկի համաձայնությունը,
 բ) ամուսիններից մեկը, չնայած առարկության բացակայության, խուսափում է ամուսնալուծությունը քաղաքացիական կացության ակտերի պետական գրանցում իրականացնող մարմիններում կատարելուց,
 գ) ամուսինները ցանկանում են փոխադարձ համաձայնությամբ ամուսնալուծվել դատական կարգով:

ՀՀ փաստաթղթերի պալատ

«ԺՈՂՈՎՈՒՐԳ». Ամուսիններից մեկի դիմումով ամուսնալուծության գործեր քննելիս դատարանը իրավունք ունի միջոցներ ձեռնարկելու ամուսիններին հաշտեցնելու համար եւ իրավունք ունի գործի քննությունը հետաձգելու՝ հաշտվելու համար ամուսիններին տրամադրելով մինչեւ երեքամսյա ժամկետ: Այս դեպքում ամուսնալուծությունը կատարվում է, եթե ամուսինները (նրանցից մեկը) պնդում են ամուսնալուծվելու համար:

Ամուսնալուծության համար ամուսինների փոխադարձ համաձայնության առկայության դեպքում դատարանը լուծում է ամուսնությունը ամուսինների կողմից ամուսնալուծության մասին դիմում տալու օրվանից ոչ ուշ, քան մեկամսյա ժամկետում:

ՍՈՑԻԱԼԱԿԱՆ

ՀԱՐՑ. Ովքե՞ր ունեն մասնակի կենսաթոշակի իրավունք:
Արփիկե Ստեփանյան (58 տարեկան)



ՊԱՏԱՍԽԱՆ. Մասնակի կենսաթոշակ նշանակվում է՝

- 1) կրթության, մշակույթի որոշ կատեգորիաների աշխատողներին, եթե լրացել է նրանց 55 տարին, եւ ունեն առնվազն 25 օրացուցային տարվա աշխատանքային ստաժ, որից առնվազն 12 օրացուցային տարին մասնագիտական ստաժ է,
- 2) թատերական եւ թատերահանդիսային կազմակերպությունների որոշ կատեգորիաների դերասաններին, եթե լրացել է նրանց 50 տարին, եւ ունեն առնվազն 25 օրացուցային տարվա աշխատանքային ստաժ, որից առնվազն 12 օրացուցային տարին մասնագիտական ստաժ է,

ՀՀ սոցիալական ծառայություն

«ԺՈՂՈՎՈՒՐԳ». 1-ին եւ 2-րդ կետերում նշված այն անձանց, ովքեր մինչեւ սույն օրենքն ուժի մեջ մտնելը օրենսդրությամբ սահմանված կարգով հաշվառվել են մասնակի կենսաթոշակ նշանակելու համար (ունեցել են առնվազն 12 օրացուցային տարվա մասնագիտական ստաժ), եւ լրացել է նրանց՝ սույն հոդվածով սահմանված մասնակի կենսաթոշակի իրավունք տվող տարիքը:

ԼՈՒՐ ԿԱԴՐ

Լուսանկարը՝ «Ժողովուրդ» օրաթերթի



Բագրատ արքեպիսկոպոս Գալստայանը երեկ Սուրբ Աննա եկեղեցում հանդիպեց «Տավուշը հանուն հայրենիքի» ակցիայի մասնակիցներին եւ աջակիցներին, որտեղ անձրեւի պատճառով քաղաքացիների հետ զրույցի չկայանալը մեկնաբանեց լավատեսական կերպով՝ ասելով. «Այս անձրեւը մեր մեղքերը սրբելու մասին է»:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել



«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+1 + 5 +10 + 15	☾	Արարատ	+10 + 12 +21 + 23
☾	Կոտայքի լեռներ	+1 + 3 +10 + 12	☾	Արմավիր	+9 + 11 +21 + 23
☾	Կոտայքի նախալեռներ	+6 + 8 +14 + 16	☾	Վայոց ձորի լեռներ	0 + 2 +8 + 11
☾	Գեղարքունիք	+2 + 5 +10 + 12	☾	Վայոց ձորի նախալեռներ	+8 + 10 +20 + 22
☾	Լոռի	+3 + 6 +13 + 16	☾	Սյունիքի հովիտներ	+8 + 11 +16 + 20
☾	Տավուշ	+6 + 9 +15 + 19	☾	Սյունիքի նախալեռներ	+8 + 12 +14 + 17
☾	Արագածոտնի լեռներ	0 + 4 +10 + 13	☾	ԼՂՀ	+7 + 10 +14 + 16
☾	Արագածոտնի նախալեռներ	+6 + 9 +15 + 19	☾	Երեւան	+16 + 19 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22՝/3, հեռ.՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 13.5.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: